

包氏醫宗

第二集第四卷

雜病論講義

冊下

痰飲欬嗽病脈證篇第十二

痰飲欬嗽病上焦病也痰飲皆爲積水之變化而成在肺腸瀝瀝有聲者曰痰無聲者曰飲又濃者曰痰清者曰飲夫人身津液水飲痰皆爲同一種類因上焦之氣不能布化水液以致停積胸中作痰飲欬嗽之病有痰飲者多有欬有欬者又多有痰痰飲欬嗽實二而一一而二者也故合論之

第一章 痰飲欬嗽總論

第一節 痰飲種類之名稱

問曰夫飲有四何謂也師曰有痰飲有懸飲有溢飲有支飲

第二節 痰飲種類之病狀

問曰四飲何以爲異師曰其人素盛今瘦水走腸間瀝瀝有聲謂之痰飲飲後水流在脇下欬唾引痛謂之懸飲飲水流行歸於四肢當汗出而不汗出身體疼痛重謂之溢飲飲逆倚息不得臥其形如腫謂之支飲

先師分飲爲四水飲下走腸間瀝瀝有聲爲痰飲水飲上逆肺欬倚息形腫爲支飲水飲內蓄欬唾引脇痛爲懸飲水飲外溢四肢身體疼痛重爲溢飲痰飲痰流於下懸飲飲懸於脇溢飲飲溢四肢身體支飲如支拄於肺之狀也然痰飲與痰有由肺而出形濃質濁者皆謂之痰痰飲水因於痰者也

又按飲已至肺有聲瀝瀝曰痰積留各部曰飲其實痰飲甚難分亦不必分也

第二章 痰飲病源

第一節 水在心

水在心心下堅築短氣惡水不欲飲

心下堅築水積於心也短氣肺氣因所阻也惡水不欲飲心火被水所尅故見水則畏而不欲飲也

第二節 水在肺

水在肺吐涎沫欲飲水

水積於肺因肺不能排泄水飲以致積而為涎沫然肺氣不下達則胃府之津液乾燥故欲飲水也

第三節 水在脾

水在脾少氣身重

脾主中州中土積水中氣不化故少氣脾主肌肉脾有積水則肌肉亦必有溼故身重

第四節 水在肝

水在肝脇下支滿噎而痛

肝位於脇肝有積水脇下則支拄脹滿也噎則氣暴出相引而痛

第五節 水在腎

水在腎心下悸

心屬火而腎屬水水在腎浸凌於心故心下悸也

第三章 五藏飲

第一節 心藏留飲

夫心下有留飲其人背寒冷如掌大

心爲陽中之太陽屬火背亦爲太陽且心位與背心特對心中留飲而心火不揚陰寒凝結故背寒冷如掌大也按冷如掌大與全背惡寒者又不同因心之大小恰如掌大也

第二節 肝藏留飲

留飲者脇下痛引缺盆欬則輒已

肝有留飲故脇下作痛缺盆爲氣之道肝氣上逆引動缺盆欬則痛輒不已也

第三節 脾藏留飲

胸中有留飲其人短氣而渴四肢歷節痛脈沉者有留飲

人身之水飲全賴中焦脾氣之運化脾不運化則水停胸中而氣爲短水不佈化則胃液乾燥而渴脾藏留飲則四肢無宣發之陽而現四肢歷節痛脈沉者非上焦之肺水爲中焦之伏飲也

第四節 肺藏留飲

膈上病痰滿喘欬睡發則寒熱背痛腰疼目泣自出其人振振身瞤劇必有伏飲

膈上病痰滿喘欬睡之證肺藏留有飲水也肺主皮毛肺氣不達則發生表證之寒熱背痛腰疼目泣自出振振身瞤諸現象也若病之劇者必由痰病而變爲飲病矣

第五節 腎藏留飲

夫病人飲水多必暴喘滿凡食少飲多水停心下甚者則悸微者短氣脈雙弦者寒也皆大下後喜虛脈偏弦者飲也肺飲不弦但苦喘短氣支飲亦喘而不能臥加短氣其脈平也

腎爲生水之源又司排泄之職所謂司水之神是也腎氣微弱則水不行若飲水多則必暴喘滿水停心下心悸短氣也又按人身之根本在尺尺腎氣所由出也脈雙弦者正氣虛寒陰精內動也偏弦者飲水內蓄陽氣不宣也惟肺有飲水病在氣而不在血故不弦而苦喘短氣也支飲亦爲肺病故其脈平而氣亦喘

第四章 痰飲治法

第一節 痰飲治法總論

病痰飲者當以溫藥和之

身熱則水化爲氣津液乾而口燥身寒則氣化爲水津液凝而吐痰故病痰飲者總當以溫和之此以下三方皆溫和之法也

第二節 上焦痰飲治法

心下有痰飲胸脇支滿目眩苓桂朮甘湯主之

痰飲伏於心下飲水上逆於胸頭目爲之暈眩也故胸脇支拄作滿目眩也

第三節 下焦痰飲治法

夫短氣有微飲當從小便去之苓桂朮甘湯主之腎氣丸亦主之

短氣下焦之氣不接上焦之氣也因下焦有微飲命門之元氣不能接續至肺而短氣故以苓桂朮甘或腎氣丸利其小便可也

第四節 中焦痰飲治法

病者脈伏其人欲自利利反快雖利心下續堅滿此爲留飲欲去故也甘遂半夏湯主之

痰飲伏留於中焦隨胃腸之下泄而自利則飲去故利反快然病本不去雖利後反快而心下續堅滿如故也非以甘遂半夏攻其留飲隨其利而瀉之不能痊愈也

第五章 懸飲治法

第一節 熱飲脈

脈浮而細滑傷飲

浮而細滑飲有熱之脈也脈證反者難治飲而曰傷正氣爲飲所傷也飲之壞病也

第二節 寒飲脈

脈弦數有寒飲冬夏難治

弦為陰脈數為陽脈寒熱不分陰陽交作故逢極寒極熱之候得此者亦難治之證也

第二節 懸飲治法

脈沉而弦者懸飲內痛病懸飲者十棗湯主之

懸飲脇痛肝之證也脈沉弦肝之脈也十棗湯攻胸腹積水之品以治懸飲至當之方也

第六章 溢飲治法

第一節 溢飲治法

病溢飲者當發其汗大青龍湯主之小青龍湯亦主之

溢飲水流行於四肢當汗之故以大小青龍發其表之汗也

第七章 支飲治法

第一節 肝支飲虛實治法

膈間支飲其人喘滿心下痞堅面色黧黑其脈沉緊得之數十日醫吐下之不愈木防己湯主之虛者即愈實者三日復發復與不愈者宜木防己湯去石膏加茯苓芒硝湯主之

膈間支飲肝經留有飲水也支拄作脹故其人喘滿心下痞堅肝氣不和肝主色故面色黧黑而脈

沉緊也治以木防己湯消其飲緩其虛清其熱實者當攻之宜去石膏之清涼增芒硝之鹹寒茯苓之利水也

第二節 腎支飲利水治法

心下有支飲其人苦冒眩澤瀉湯主之

支飲而眩冒水結於心下腎水上渙作冒也用澤朮以利其水也

第三節 心支飲瀉火治法

支飲胸滿者厚樸大黃湯主之

支飲胸滿心火內炎故以厚樸大黃瀉其君火也

第四節 肺支飲瀉肺治法

支飲不得息葶藶大棗瀉肺湯主之

支飲不得息肺氣實也故用葶藶瀉肺也

第五節 脾支飲降逆治法

嘔家本渴渴者爲欲解今反不渴心下有支飲故也小半夏湯主之

嘔者本脾胃之氣上逆而作也嘔而若渴胃陽化燥故渴者爲欲解嘔而不渴中焦之陽不化被陰寒所制而不能宣發其穀氣今反不渴者因心下有支飲伏留使中氣不佈化鬱鬱而作嘔須以小

半夏破其中焦之飲而嘔自止也

第八章 水氣治法

第一節 中焦水氣治法

腹滿口舌乾燥此腸間有水氣己椒藶黃丸主之

腹滿中焦之氣不佈化也脾胃開竅於口中氣不佈則水當升而不能升停於腸間火當降而不能降而口舌燥也己椒藶黃通中氣破積水之妙劑也

第二節 上焦水氣治法

卒嘔吐心下痞膈間有水眩悸者小半夏加茯苓湯主之

卒嘔吐中氣上逆於上焦以致心下痞膈間有水眩而悸上焦之肺氣不能通調水道以小半夏加茯苓降其逆氣而利其水道也

第三節 下焦水氣治法

假令瘦人臍下有悸吐涎沫而顛眩此水也五苓散主之

瘦人臍下有悸下焦之真陽不足而水停腎之臍下也腎氣不升則肺氣不降而吐涎沫顛眩水氣上凌於腦府以五苓散通其水則水去陽升

第九章 欬嗽治法

第一節 欬脈攻裏治法

欬家其脈弦爲有水十棗湯主之

此言水飲作欬可攻裏之脈象也欬而脈弦弦爲水動十棗湯瀉之從裏而解也

第二節 欬證攻裏治法

夫有支飲家欬煩胸中痛者不卒死至一百日或一歲宜以十棗湯

支飲欬而煩胸中痛飲水停留作痛也此胸痛與結胸異不卒死之證縱遷延至百日或一歲仍宜

十棗攻其飲也此二節從裏治之法也與下文小青龍從表治之法不同

第三節 欬脈虛實生死法

久欬數歲其脈弱者可治實大數者死其脈虛者必苦冒其人本有支飲在胸中故也治屬飲家

久欬數歲正氣必虛虛證當得虛脈故其脈弱者可治若虛證得實脈而反實大數者其證必死也

正氣外脫正衰邪盛也然虛者爲正氣已虛不能佈化其陽氣以致飲停胸中必苦冒眩治當屬於

飲家

第四節 欬嗽攻表治法

欬逆倚息不得臥小青龍湯主之

青龍湯下已多唾口燥寸脈沉尺脈微手足厥逆氣從小腹上衝胸咽手足痺其面翕熱如醉狀因復下

流陰股小便難時復冒者與茯苓桂枝五味甘草湯治其氣衝

衝氣卽低而反更欬胸滿者用茯苓桂枝五味甘草湯去桂加乾薑細辛以治其欬滿

欬滿卽止而更復渴衝氣復發者以細辛乾薑爲熱藥也服之當遂渴而渴反止者爲支飲也支飲者法當冒冒者必嘔嘔者復內半夏以去其水

水去嘔止其人形腫者加杏仁主之其證應內麻黃以其人遂痺故不內之若逆而內之者必厥所以然者以其人血虛麻黃發其陽故也

若面熱如醉此爲胃熱上衝熏其面加大黃以利之

先渴後嘔爲水停心下此屬飲家小半夏加茯苓湯主之

先師以十棗湯治欬攻裏水從裏而消其飲水也此以小青龍治欬攻表欲從表而散其飲水也欬逆倚息不得臥肺氣上逆上逆當從外散故以小青龍開之然青龍有麻細之傷陽不用麻細而飲水不去用麻細而腎氣又傷故下已多唾口燥寸脈沉尺脈微手足厥逆氣從少腹上衝胸咽也腎氣不納則虛陽上渙脾陽不達手足痺而其面翕熱如醉狀也有時且復下流陰股之間而熱下流則小便難上逆則時復冒當以苓桂味草先治其氣衝若衝氣已平反更欬胸滿納其陽斂其肺欬反甚可以前方去桂加薑辛以治其欬滿復用薑辛熱劑更復渴而氣衝作嘔當納半夏或小半夏加茯苓以去水水去形腫又當加麻杏然麻攻陽陽虛不能用祇可加杏其面熱如醉可加大黃以

利胃熱也

Faint vertical text columns, likely bleed-through from the reverse side of the page. The text is illegible due to fading and low contrast.

消渴小便不利淋病脈證篇第十三

消渴厥陰證也小便不利淋病少陰證也按肝腎俱屬下焦故合篇論之爲排泄之官失職之下焦病也

第一章 消渴病

第一節 消渴證總論

厥陰之爲病消渴氣上衝心中疼熱飢而不欲食食則吐下之不肯止

先師以厥陰爲病之總綱爲消渴爲病總綱因消渴證爲肝氣疎泄過度所以渴飲而卽消與肝氣暴出之除中消食證同一意義也

第二節 消渴脈總論

寸口脈浮而遲浮卽爲虛遲卽爲勞虛則衛氣不足勞則營氣竭跌陽脈浮而數浮卽爲氣數卽消穀而大堅氣盛則洩數洩數則堅堅數相搏卽爲消渴

寸口脈浮而遲營衛不足之象也浮卽衛氣不足而爲虛遲則營血因勞而致竭營衛虛竭津血枯涸爲消渴之因也跌陽胃脈浮而數浮卽爲氣之盛數卽爲血之熱氣盛血熱陰亡陽亢以致便堅洩數成消渴之果也由是觀之消渴一證有三種之原因在也一因厥陰風木之太過一因太陰營

衛之虛竭一因陽明陽盛而陰衰也

第二節 腎寒消渴治法

男子消渴小便反多以飲一斗小便亦一斗腎氣丸主之

腎有寒則腎氣不升飲入而不能化而爲液從小便直出故入一斗出一斗也以腎氣丸佐其氣則消渴自止卽所謂虛故引水自救之義同也

第四節 膀胱熱消渴治法

脈浮小便不利微熱消渴宜利小便發汗五苓散主之

此引傷寒之治法也脈浮太陽膀胱經之脈也小便不利微熱消渴爲太陽之表熱不宣故以五苓利小便而兼發汗也

第五節 消渴宣陽治法

渴欲飲水水入則吐者名曰水逆五苓散主之

此引太陽之宣陽治法也渴欲飲水水入則吐陽實於內氣上升也以五苓宣陽卽可止渴利水卽可降逆

第六節 消渴納陰治法

渴欲飲水不止者文蛤散主之

上節因陽實而渴水入則作吐此節因陰虛而渴水入則渴不止飲水不止當用鹹平之文蛤納其陰以滋液而渴自可止也

第二章 淋病

第一節 淋病證狀

淋之爲病小便如粟狀小腹弦急痛引臍中

此淋病與花柳病之白濁證不同此因下焦之熱所作彼因花柳之毒所傷也此則小便如粟色之黃不下白物彼則時下白物小便或黃或白此則小腹弦急痛引臍中彼則小便作痛痛在陰莖此爲胃熱之下注證屬閉癰彼爲毒炎之上攻病名白濁者也

第二節 淋病脈象

跌陽脈數胃中有熱卽消穀引飲大便必堅小便則數

淋病因胃熱下注而作也故跌陽之脈數有熱熱氣下流渴而大便堅小便數而致成淋病也

第三節 淋病禁誤

淋家不可發汗發汗則便血

淋病病屬下焦下焦之病不能治上焦之汗故汗之則陰益傷而小便出血

第四節 淋病利水法

小便不利者有水氣其人若渴括樓瞿麥丸主之

此淋病水脹利水之治法也

第五節 淋病中焦有熱小便不利治法

小便不利蒲灰散主之滑石白魚散茯苓戎鹽湯並主之

蒲灰散血有瘀熱利水之方也滑石白魚散氣有瘀熱利水之方也茯苓戎鹽湯溼熱下注小便不

利之方也審證施方擇而用之可也

第六節 上焦有熱小便不利治法

渴欲飲水口乾舌燥者白虎加人蔘湯主之

此引傷寒表熱之方法也表有熱亦能使小便不利清熱即利水也

第七節 下焦有熱小便不利治法

脈浮發熱渴欲飲水小便不利者猪苓湯主之

此引傷寒下焦有熱小便不利之治法也

水氣病脈證篇第十四

水氣病腫證也卽中焦病也中焦爲上下相交之道陰陽往來之鄉天氣地氣相聚之樞紐也中氣強則升降不息九竅通利中氣失職則一切水液停留不行或積於下或積於上或積於中不能循水道而排泄日久變爲水氣病也

第一章 水氣病總論

第一節 水病種類之名稱

師曰病有風水有皮水有正水有石水有黃汗

水氣病種類有五五藏之氣所積之水病也風氣通於肝肝風作腫名之曰風水肺主皮毛皮膚作腫名之曰皮水心屬火心主脈所惡者水且心爲藏府之君位居正中經脈積水水之正者也故曰正水腎主骨在人身至內之地病屬下焦如石之內潛故曰石水脾色黃汗而曰黃爲溼熱之所熏蒸脾氣不運而作水故曰黃汗

第一節 風水脈證

風水其脈自浮外證骨節疼痛惡風

風水其脈自浮因風致水水隨風動浮而曰自有由內而外之意也故水本沉而自浮矣水挾風浮

於外風病則惡風水病則骨節疼痛

第二節 皮水脈證

皮水其脈亦浮外證附腫按之沒指不惡風其腹如鼓不渴當發其汗

皮水其脈亦浮是承上風之浮而言也肺主皮毛故脈亦浮而不沉外證附腫按之沒指附腫也皮附腫按之沒指水盛氣衰也不惡風非風水也其腹如鼓不渴腹鼓爲肺氣之內鼓非脾胃作脹故不渴也肺病當由汗解故當發其汗

第四節 正水脈證

正水其脈沉遲外證自喘

正水非風皮水可比是爲真正之水氣病故其脈沉遲沉爲水遲爲心藏之火被水寒所制外證自喘心陽內鬱水凌上焦故也

第五節 石水脈證

石水其脈自沉外證腹滿不喘

石水其脈自沉沉而曰自腎水自然之理與自浮同一意義腹滿不喘爲腎水下焦之證非心水上焦之病也

第六節 黃汗脈證

黃汗其脈沉遲身發熱胸滿四肢頭面腫久不愈必致癰膿

黃汗太陰溼土變生之病也其病在肌肉有水其脈亦沉遲身發熱胸滿溼熱外越溼壅上焦以致脾陽不化四肢頭面浮腫若日久必因溼熱傷肌血瘀氣壅而成外瘍潰爛之癰膿也

第二章 水在表脈證

第一節 表熱致水法

脈浮而洪浮則爲風洪則爲氣風氣相搏風強則爲癰疹身體爲癢癢者爲泄風久爲痲癩氣強則爲水難以俛仰風氣相擊身體洪腫汗出乃愈惡風則虛此爲風水不惡風者小便通利上焦有寒其口多涎此爲黃汗

浮爲邪風外襲洪爲正氣內揚風中皮膚風熱盛而肌膚生癰疹日久或由癰疹而變爲痲癩是風熱傷肌發生之外證也氣聚於表水液不行故氣強則爲水外有風而內有水互相搏擊風熱入水水因風沍營衛之道不行身體發爲洪腫可發其汗而愈也然風熱與水氣相變化表虛則惡風而爲風水若不從風化而從水化裏虛小便多表上之風熱隨水下降氤氳而爲黃汗矣此風水黃汗從熱化從寒化之不同者也

第二節 裏熱致水法

寸口脈沉滑者中有水氣面目腫大有熱名曰風水視人之目窠上微腫如蠶新臥起狀其頸脈動時時

欵按其手足上陷而不起者風水

脈沉而滑沉為在裏滑為熱裏有熱致使衛氣不宣而成水病也面目腫大有熱風因水動內風為病也肝生風故目窠微腫如蠶新臥起狀其頸脈動時時欵肝風上升於頭面也肝去尅土手足先受病故陷而不起也

第二節 裏寒致水法

太陽病脈浮而緊法當骨節疼痛反不疼身體反重而痠其人不渴汗出即愈此為風水惡寒者此為極虛發汗得之

風水為太陽傷邪寒傷營本當骨節疼痛若反不疼重而痠已由表寒而成裏寒之水病矣其人不渴寒已在裏此為風水當散其初起之表寒發其汗而即愈也如惡寒者此為表虛之證因發汗而得之者也

第四節 表寒致水法

渴而不惡寒者此為皮水身腫而冷狀如周痺

渴而不惡寒者裏無寒而寒在表故身腫而冷水在皮膚也皮膚不仁狀如周身痲痺之證也

第五節 中焦寒結致水法

胸中窒不能食反聚痛暮躁不得眠此為黃汗

胸中窒不能食反聚痛中焦寒氣窒塞壅閉靈府也暮躁不得眠陽明值時而劇也此爲中焦脾胃積水之黃汗病也

第六節 上焦寒結致水法

痛在骨節欬而喘不渴者此爲肺脹其狀如腫發汗則愈然諸病此者渴而下利小便數者皆不可發汗痛在骨節水病之見證也欬而喘不渴水積在上焦之肺脹非中焦之黃汗肺主皮毛其狀如腫故當發汗然諸病此者見渴而下利小便數之中下焦證則又皆不可發汗也

第七節 下焦寒結致水法

裏水者一身面目黃腫其脈沉小便不利故令病水假令小便自利此亡津液故令渴越婢加朮湯主之一身面目黃腫脈沉小便不利下焦積水之證也如小便利爲亡津液故令渴此又非下焦之證當從中上焦而治之宜越婢加朮主之

第三章 水在裏脈證

第一節 中寒致水脈證

跌陽脈當伏今反緊本自有寒疝瘕腹中痛醫反下之卽胸滿短氣

胃氣因寒內結本爲疝瘕腹痛之證寒當溫散之若反以下法攻其寒則傷其裏氣而現胸滿短氣水病之預兆也

第二節 中熱致水脈證

跌陽脈當伏今反數本自有熱消穀小便數今反不利此欲作水

上言中寒能致水病此言中熱亦能致水也數脈有熱本主消穀小便數今反不利水無所去亦欲作水也

第三節 上熱致水脈證

寸口脈浮而遲浮脈則熱遲脈則潛熱潛相搏名曰沉跌陽脈浮而數浮脈即熱數脈即止熱止相搏名曰伏沉伏相搏名曰水沉則絡脈虛伏則小便難虛難相搏水走皮膚即爲水矣

寸口脈浮而遲浮爲陽熱上越遲爲陰寒下伏陽越陰伏水病成而脈沉矣跌陽脈浮而數浮爲陽熱上行數爲陰液內止陽行陰止水病成而脈伏矣故沉伏皆水病與上二節寒熱皆能致水又同一義也沉則陰血內降而絡脈空虛伏則陽氣外越而小便難解由是水乘絡脈之空而走皮膚爲水病矣又按此節衛熱外越不能排泄水液水逆上焦皮膚先腫之水病也

第四節 上寒致水脈證

寸口脈弦而緊弦則衛氣不行即惡寒水不沾流走於腸間

寸口脈弦而緊弦則營陰盛而衛陽不行緊則爲寒而即惡寒衛陽不行而陰寒內盛水不沾流走於腸間成水病此水之由裏起者也

第五節 下寒裏水脈證

少陰脈緊而沉緊則爲痛沉則爲水小便即難

尺脈沉緊寒傷腎藏也腎氣受寒而骨節痛腎氣沉伏而小便難此水病之起於筋骨之裏者也

第六節 下熱表水脈證

脈得諸沉當責有水身體腫重水病脈出者死

諸沉脈皆因陽氣不宣不能排泄水液而爲水病者也身體腫重水氣極盛矣若脈與證反其脈不沉伏而浮大者死也若病漸退而脈出者又非死脈也

第七節 水病下治法

夫水病人目下有臥蠶面目鮮澤脈伏其人消渴病水腹大小便不利其脈沉絕者有水可下之

水病大都面腫身浮腹大小便不利而目下有臥蠶面目鮮澤消渴脈沉絕者水病之尤劇證也此爲可以甘遂大戟等下之之證也

第八節 水病發汗利水法

問曰病下利後渴欲飲水小便不利腹滿因腫者何也答曰此法當病水若小便自利及汗出者自當愈病下利後中土必虛寒無疑若小便不利而腹滿因腫亦爲水病脾陽不化之故中氣不能升降也然此病當使其氣機升降或從汗或從小便表裏之水道一通病自當愈

第四章 五臟水病脈證

第一節 心水

心水者其身重而少氣不得臥煩而躁其人陰腫

第二節 肝水

肝水者其腹大不能自轉側脇下腹痛時時津液微生小便續通

第三節 肺水

肺水者其身腫小便難時時鴨澹

第四節 脾水

脾水者其腹大四肢苦重津液不生但苦少氣小便難

第五節 腎水

腎水者其腹大臍腫腰痛不得溺陰下溼如牛鼻上汗其足逆冷面反瘦

以上五節言五藏水病之見證也每藏又皆牽連脾腎故心之身重少氣肝之腹大腹痛肺之鴨澹脾之其腹大腎之腹大臍腫皆脾證也心之其人陰腫肝之津液微生小便續通肺之小便難脾之津液不生但苦少氣小便難腎之不得溺陰下溼如牛鼻上汗皆腎證也不得臥煩而躁心證也不能自轉側脇下痛肝證也其身腫肺證也四肢苦重脾證也腰痛腎證也更有內外上下之四證不

同者肝之時時津液微生小便續通是氣外泄也脾之津液不生但苦少氣是氣內閉也腎之手足逆冷是陽氣不降也面反瘦是陰氣不升也此五藏水證發現各證之不同者也

第六節 五藏水總治法

師曰諸有水者腰以下腫當利小便腰以上腫當發汗乃愈

先師治水之總法以腰上下腫分利小便發汗之法為治腫之大法也

第五章 血氣致腫病

第一節 血寒致水

師曰寸口脈沉而遲沉則為水遲則為寒寒水相搏跌陽脈伏水穀不化脾氣衰則驚澹胃氣衰則身腫少陽脈卑少陰脈細男子則小便利婦人則經水不通經為血血不利則為水名曰血分

寸口脈沉而遲上焦無陽不能行其津液而體寒多水也水凌土陷中焦無陽脾胃失調水穀不化脾氣衰則溼滯於裏而大便驚澹胃氣衰則水積於表而身體腫脹少陽之脈卑則相火內衰少陰之脈細則真水不足下焦無陽男子則小便利男子以氣為主小便不利氣化之失職也婦人則經水不通女子以血為主經水不通血液之凝滯也故曰經為血血不利則為水名曰血分血寒而致小便利不利之水病也

第一節 血熱致水

師曰寸口脈沉而數則爲出沉則爲入出則爲陽實入則爲陰結跌陽脈微而弦微則無胃氣弦則不得息少陰脈沉而滑沉則爲在裏滑則爲實沉滑相搏血結胞門其瘕不寫經絡不通名曰血分

上節言血寒能致水病此言血熱亦可致水病也寸脈沉數上焦陽盛也數爲陽實其熱外出沉爲陰實其寒內入外熱內寒致水之原因也跌陽微弦中焦陽盛也微則胃陽不足爲無胃氣弦則胃陰有餘爲中氣壅塞陰盛陽虛也血壅氣滯水氣不化亦能致水病也少陰脈沉而滑下焦陽盛也沉爲在裏滑爲熱實裏有熱血結子宮而成血瘕血瘕不寫經絡之血不通亦能致水腫病也

第二節 血水致腫難易治法

問曰病有血分水分何也師曰經水前斷後病水名曰血分此病難治先病水後經水斷名曰水分此病易治何以故去水其經自下

經斷而後腫是因血而致水去水其經仍不通爲血腫故難治也若先腫而後經斷因水而致血閉去水其經自通故易治也由是觀之血病難治而水證易爲也

第四節 氣寒致水法

問曰病者苦水面目身體四肢皆腫小便不利脈之不言水反言胸中痛氣上衝咽狀如炙肉當微欬喘審如師言其脈何類師曰寸口脈沉而緊沉爲水緊爲寒沉緊相搏結在關元始時尙微年盛不覺陽衰之後營衛相干陽損陰盛結寒微動腎氣上衝咽喉塞噎脇下急痛醫以爲留飲而大下之氣繫不去其

病不除復重吐之胃家虛煩咽燥欲飲水小便不利水穀不化面目手足浮腫又與葶藶丸下水當時如小差食飲過度腫復如前胸脇苦痛象若奔豚其水揚溢則欬喘逆當先攻擊衝氣令止乃治欬欬止其喘自差先治新病病當在後

面目身體四肢皆腫小便不利水病固有是象然亦有因氣而腫脹者也故曰脈之不言水反言胸中痛氣上衝咽之肺氣脹痛證也狀如炙肉當微欬喘卽爲氣衝徵候也揆其原因皆爲寒水結在關元陽氣受制日漸衰弱營衛相干陽氣日損陰氣日盛寒氣上動腎氣上衝於咽喉牽連於脇下此爲氣脹非留飲也若悞以飲治而下之其病必不去吐之亦非其治徒傷其胃中津液成虛煩咽燥口渴之陰虛病及小便不利水穀不化面目手足浮腫之陽虛病然仍是陰陽俱虛之氣病非水病也更以下水之藥攻之必傷其腎氣而發奔豚下焦之水反隨氣逆而上行作喘咳矣水證雖現仍當治原也仍當攻擊衝氣令衝氣止乃可治欬欬止其喘自差矣又按此證以腫爲舊病以氣衝爲新病故曰先治新病卽先治其氣衝也病當在後卽舊病之腫當在後治也

第六章 諸水治法

第一節 風水表虛治法

風水脈浮身重汗出惡風防己黃芪湯主之腹痛者加芍藥

脈浮汗出惡風表虛風病之見證也身重水之見證也風病在表之虛證仍宜調其營衛此方桂枝

之變方亦治風溼之主方也

第二節 風水表實治法

風水惡風一身悉腫脈浮不渴續自汗出無大熱越婢湯主之

上節身重而未腫表仍虛故治以防已黃芪此節一身悉腫雖汗出而表已實矣故治以越婢越婢又爲麻黃之類方也一虛一實治法有別

第二節 皮水治法

皮水爲病四肢腫水氣在皮膚中四肢聶聶動者防已茯苓湯主之

水在皮膚四肢聶聶動水氣大甚之現象也四肢腫水凌土也故以防已茯苓利水扶陽培土爲主

第四節 正石水從陰從陽治法

裏水越婢加朮湯主之甘草麻黃湯亦主之

裏水卽正石水之總稱也或從裏解或從表解可隨證施方越婢加朮從裏解之方也甘草麻黃從表解之方也

第五節 正石水從表從裏治法

水之爲病其脈沉小屬少陰浮者爲風無水虛脹者爲氣水發其汗卽愈脈沉者宜麻黃附子湯浮者宜杏子湯

水之爲病亦正水石水而言也沉爲在裏屬少陰水浮爲在表屬太陽風無水虛脹爲氣又非水矣水卽當汗沉者病在少陰宜麻黃附子以治其裏浮者屬表屬風杏子湯宜也

第六節 皮水血分治法

厥而皮水者蒲灰散主之

厥而皮水是皮水在血分在陰分之證雖皮水屬表而當以治裏之利水法也

第七節 黃汗營虛治法

問曰黃汗之爲病身體腫發熱汗出而渴狀如風水汗沾衣色正黃如蘗汁脈自沉何從得之師曰以汗出入水中浴水從汗孔入得之宜芩芍桂酒湯主之

脾惡溼溼病脾受之故汗出入水中溼熱氤氳而爲黃汗黃汗爲病身體腫汗出溼也營虛也發熱而渴熱也濕熱薰蒸汗如蘗汁脈自沉以芩芍桂酒主之

第八節 黃汗衛虛治法

黃汗之病兩脛自冷假令發熱此屬歷節食已汗出又身常暮盜汗出者此榮氣也若汗出已反發熱者久久其身必甲錯發熱不止者必生惡瘡若身重汗出已輒輕者久久必身痲痲卽胸中痛又從腰以上汗出下無汗腰臑弛痛如有物在皮中狀劇者不能食身疼重煩躁小便利此爲黃汗桂枝加黃芪湯主之

黃汗兩脛自冷而發熱者病在衛氣不足之歷節證也食已汗出及常暮盜汗者病在營氣不足之血痺證也若汗出而又發熱營衛俱不足色敗皮焦肌膚甲錯或發熱不止衛氣有燥必生惡瘡之癰膿病也或汗出身重輒輕者又爲寒氣大盛久久必身臍臍卽胸中痛此皆營衛陰陽不及太過之所致也然其症但從腰以上汗出下無汗腰臍弛痛皮中如有物狀係陰陽不交寒熱錯雜必發生黃汗之病證也病劇者且現不能食身疼重之脾虛證煩燥小便不利之腎虛證也桂枝加黃芪湯調營衛而升下陷之衛陽降上越之營陰也

第七章 血氣致水總論治法

第一節 血氣寒冷致水總論

師曰寸口脈遲而濇遲則爲寒濇爲血不足跌陽脈微而遲微則爲氣遲則爲寒寒氣不足卽手足逆冷手足逆冷則營衛不利營衛不利則腹滿脇鳴相逐氣轉膀胱營衛俱勞陽氣不通卽身冷陰氣不通卽骨疼陽前通則惡寒陰前通則痺不仁陰陽相得其氣乃行大氣一轉其氣乃散實則失氣虛則遺尿名曰氣分

先師以遲爲寒濇爲血不足微爲氣不足血氣不足卽手足逆冷而腹滿脇鳴相逐氣下趨而轉入膀胱也然陽氣不通則衛氣不宣而身冷陰氣不通則營血不潛而骨疼也或陽前通而陰不通則惡寒或陰前通而陽不通則痺不仁也必須陰陽相得並行而無前後相離之弊其營衛之氣乃同

行大氣一轉其病氣卽散然氣病又有虛實之分實者則後陰失氣虛者則前陰遺尿也虛實已別而攻補之方可定矣

第二節 氣水發表治法

氣分心下堅大如盤邊如旋盃桂甘薑棗麻辛附子湯主之

水飲之脹滿必散蔓氣分血分之脹滿必團聚此物性自然之理也心下堅大如盤邊如旋盃氣鼓於中宮可從表散則從表散可也

第三節 氣水攻裏治法

心下堅大如盤邊如旋盃水飲所作枳朮湯主之

此節與上節同證異治但一因氣結而致水脹一因水結而致氣脹一用桂甘薑棗以升陽氣麻辛附子以攻水氣一用枳實以通陽氣白朮以燥水氣也

黃痺病脈證篇第十五

按黃痺病中學屬脾經西學屬膽經愚以為脾膽俱有也身黃有熱大便黃者脾溼所化之痺證也身黃無熱大便白者膽汁不下之痺證也且脾為痺病之因膽為痺病之果必合而觀之分而治之可也故是篇定名膽府病

第一章 痺病總論

第一節 上焦有熱致酒痺脈法

寸口脈浮而緩浮則為風緩則為痺痺非中風四肢苦煩脾色必黃瘀熱以行

寸口脈浮緩在傷寒則為中風在雜病則為痺證也中風病在表頭痛痺證病在裏四肢苦煩中風邪傷太陽故發熱汗出痺證邪傷太陰故身黃也此風痺之病因酒後風邪入血營衛常受酒性之鬱蒸變生瘀熱之酒痺病也

第二節 中焦有熱致穀痺脈法

跌陽脈緊而數數則為熱熱則消穀緊則為寒食即為滿

中焦之脈緊而數是寒熱相搏一主消穀一主脹滿胃強脾弱瘀熱發黃久久必成穀痺之病也

第三節 下焦有熱致女勞痺脈法

尺脈浮爲傷腎跌陽脈緊爲傷脾

腎氣常勞而不藏則相火妄動而生熱元精日乏精氣日浮而尺脈浮腎氣被傷矣此女勞瘵之原因也跌陽脈緊爲脈緩之反對緩而變緊脾氣大傷與腎氣合而發黃女勞之瘵成矣

第四節 穀瘵證象

風寒相搏食穀卽眩穀氣不消胃中苦濁濁氣下流小便不通陰被其寒熱流膀胱身體盡黃名曰穀瘵穀瘵因風挾寒積宿於胃胃中苦濁不能消穀又不能消水中焦失職上不能納穀食卽頭眩下不能排泄小便不通前陰被寒也胃中之濁氣化熱而下入膀胱從此水道不通而身發黃矣

第五節 女勞瘵證象

額上黑微汗出手足中熱薄暮卽發膀胱急小便自利名曰女勞瘵腹如水狀不治

額上黑微汗出手足中熱卽今之所謂五心發燒是也腎屬陰入夜病卽作故曰暮卽發熱膀胱急小便自利病在精道不在水道也腹若如水狀腎氣傷敗不能排泄水液故曰不治也

第六節 酒瘵證象

心中懊懣而熱不能食時欲吐名曰酒瘵

少飲酒則養血多飲酒則傷血也心主血故常醉之人患酒瘵之病者酒傷其心心中懊懣而熱也酒入胃則傷及胃故不能食時欲吐病理解剖學曰酒客其胃內皮色紅心房則腫大與酒瘵之證

吻合也

第七節 穀瘴虛寒不可下

陽明病脈遲食難用飽飽則發煩頭眩小便必難此欲作穀瘴雖下之腹滿如故所以然者脈遲故也此引陽明脾寒不化穀瘴之文也與上節熱穀瘴可下之法不同故此節之不可下雖下之腹滿如故也

第八節 酒瘴胃熱下流利水法

夫病酒黃瘴必小便不利其候心中熱足下熱是其證也

酒瘴病在心胃其熱下流則小便不利而足下發熱也可從小便利導之也

第九節 酒瘴胃熱在中吐下法

酒黃瘴者或無熱靖言了了腹滿欲吐鼻燥其脈浮者先吐之沉弦者先下之

酒瘴無熱靖言了了病徒在胃未傷心也腹滿欲吐鼻燥胃熱上衝也脈浮者可吐而從上解也脈沉者可下而從下解也

第十節 酒瘴胃熱在上宜吐法

酒瘴心中熱欲吐者吐之愈

酒瘴心中熱病在心而胃不傷心居上焦亦可吐之而愈也

第十一節 黃瘧強下傷表法

酒瘧下之久久爲黑瘧目青面黑心中如噉蒜齏狀大便正黑皮膚爪之不仁其脈浮弱雖黑微黃故知之

酒瘧下之則傷其表而目青面黑皮膚爪之不仁脈浮弱表氣傷也卽由黃而變黑矣故面黑大便黑也欲治其黃仍當治表

第十二節 黃瘧誤汗傷裏法

師曰病黃瘧發熱煩渴胸滿口燥者以病發時火劫其汗兩熱所得然黃家所得從溼得之一身盡發熱而黃壯熱熱在裏當下之

發熱煩渴胸滿口燥裏熱證也然黃瘧何以化熱必因病發時火劫其汗兩熱相并而化熱也按黃家本因溼而化熱再傷其液卽成裏實當下之也

第十三節 陽黃

脈沉渴欲飲水小便不利者皆發黃

脈沉病在胃也渴欲飲水陽盛也小便不利溼無所去也胃熱相火盛與小便不利之水化合名爲陽黃也

第十四節 陰黃

腹滿舌痿黃躁不得睡屬黃家

腹滿病在脾也舌痿黃躁不得睡陰虛也陰虛君火盛與腹滿之脾陰化合名爲陰黃也

第十五節 治黃瘧宜緩法

黃瘧之病當以十八日爲期治之十日以上差反劇爲難治

黃瘧因溼而得之其治法與治溼同不可太速速則黃雖退而溼未除溼未除則必復發發則難治也治溼法云但微微似欲汗出風溼俱去也若大汗但風氣去溼氣在是故不愈卽與此當以十八日三週期已過方無反劇之慮若十日以上已差恐瘧去而溼未除反爲難治

第十六節 陽黃陰黃難易治法

瘧而渴者其瘧難治瘧而不渴者其瘧可治發於陰部其人必嘔陽部其人振寒而發熱也

瘧而渴爲陽黃陽黃難治因熱與水化溼其病重也不渴爲陰黃陰黃易治因不渴熱微其病輕也又黃瘧發於藏府者爲陰陰黃必作嘔發於軀壳者爲陽陽黃必振寒而發熱也此陰陽內外證之別者也

第二章 黃瘧治法

第一節 穀瘧治法

穀瘧之病寒熱不食食卽頭眩心胸不安久久發黃爲穀瘧茵陳蒿湯主之

穀瘧病在中焦中焦受溼化熱氤氳而發寒熱也不食脾胆之氣俱不下降而反上逆而頭眩心胸不安日久發黃而成穀瘧當以治溼熱之茵陳蒿湯主之也

第二節 女勞瘧治法

黃家日晡所發熱而反惡寒此爲女勞得之膀胱急少腹滿身盡黃額上黑足下熱因作黑瘧其腹脹如水狀大便必黑時溇此女勞之病非水病也腹滿者難治硝石礬石散主之

按黃家本脾胃證應日晡而發熱反惡寒者證在少陰之女勞瘧也膀胱急少腹滿腎氣受傷也身盡黃瘧之見證也額上黑水上乘也足下熱相火下流也其腹脹如水狀腎氣內鼓非水病也大便黑時溇亦腎氣之所化也此爲水來乘土若土受病而腹滿則難治也

第三節 酒瘧治法

酒瘧心中懊懣或熱痛梔子大黃湯主之

酒傷心胃營壅熱瘀故心中懊懣而熱痛用梔子以清心火用大黃以瀉胃熱也

第四節 黃瘧解表治法

諸病黃家但利其小便假令脈浮當以汗解之宜桂枝加黃芪湯主之

黃家本因溼熱而作利其小便爲正法但亦有表虛營衛不和脈浮者宜以桂枝加黃芪湯以調營衛也

第五節 黃痺導大便法

諸黃豬膏髮煎主之

諸黃亦有血燥胆汁不降而黃者豬膏髮煎導大便以潤血燥也

第六節 黃痺利小便法

黃痺病茵陳五苓散主之

黃病本因溼熱而作故以茵陳利溼五苓利小便也

第七節 黃痺裏實治法

黃痺腹滿小便不利而赤自汗出此爲表和裏實當下之宜大黃硝石湯

腹滿小便不利而赤水穀道俱實也汗出表和也故宜大黃硝石攻之

第八節 黃痺裏虛治法

黃痺病小便色不變欲自利腹滿而喘不可除熱熱除必噦噦者小半夏湯主之

小便色不變欲自利水穀道俱虛也雖有腹滿而喘不能除熱如其胃寒作噦宜小半夏湯以降逆也

第九節 血實黃痺治法

諸黃腹痛而嘔者宜柴胡湯

腹痛而嘔血熱上壅肝膽氣大強故宜大柴胡瀉之

第十節 氣虛黃痺治法

男子黃小便自利當與虛勞小建中湯

男子以氣爲主氣虛亦有黃痺證况其小便自利非溼可知故當以虛勞小建中湯以補其氣

驚悸吐衄下血胸滿瘀血病脈證篇第十六

驚膽病也悸心病也吐衄下血胸滿瘀血肝藏病也按血證皆屬乎肝以肝不藏血故吐血也然因驚悸而往往致血因血而亦往往致驚悸也膽居肝內驚發於膽與肝藏有母子之關係心主血肝藏血悸發乎心與血室有兄弟之情誼故肝藏病連及心膽也

第一章 驚悸吐衄下血胸滿瘀血總論

第一節 驚悸原因

寸口脈動而弱動即爲驚弱則爲悸

驚陽有餘也屬相火悸陽不足也屬君火故動即爲驚弱則爲悸

第一節 衄之原因

師曰尺脈浮目睛暈黃衄未止暈黃去目睛慧了知衄今止

衄陰血不足也尺脈浮爲陰血不足之脈也肝主血陰血外越隨經逆上至頭而爲衄肝主目肝血上逆故目睛現暈黃之血色也然欲知衄愈否當以血藏與否爲斷欲知血藏與否又當察目暈黃與慧了也

第三節 衄之出處

又曰從春至夏衄者太陽從秋至冬衄者陽明

足三陽之脈皆從頭至足今衄血血從經而逆上也少陽脈起於身側及目外眥故與衄無涉太陽陽明一起於頭一起於面近鼻傍為人身前後之二大經脈春夏之陽由背而升故曰從春至夏衄者太陽秋冬之陽由胸而降故秋至冬衄者陽明是陰血隨經外出也

第四節 衄之治法

衄家不可汗汗出必額上陷脈緊急直視不能胸不得眠

衄血屬陰因陽所逼而致衄血陰血已虛何能再汗汗之陰血愈傷故不可汗餘見太陽

第五節 衛寒致血

病人面無色無寒熱脈沉弦者衄脈浮弱手按之絕者下血煩欬者必吐血

病人面無色無寒熱衛氣寒而沉不浮也脈沉弦者下焦肝氣盛血必上壅而作衄也脈浮弱手按之絕者上焦肺氣衰血必下脫而下血也煩欬者君火相火刑金中焦之陰陽錯亂必吐血也此三焦之氣失職而諸失血之一大原因者也

第六節 衛熱致血

夫吐血欬逆上氣其脈數而有熱不得臥者死

上節言衛寒致血此言衛熱亦能致血也吐血而致欬逆上氣脈數衛有熱也衛熱則肺受病不得

臥者君火內炎刑金火熱併病焉有不死者乎

第七節 營熱致血

夫酒客欬者必致吐血此因極飲過度所致也

酒客營常熱酒客而欬營壅於上焦必致吐血也所謂極飲過度營血妄行營熱所致之吐血證也

第八節 營寒致血

寸口脈弦而大弦則爲減大則爲芤減則爲寒芤則爲虛虛寒相搏此名爲革婦人則半產漏下男子則亡血

此引虛勞血寒致血法除去失精二字以半產漏下亡血爲主也解見虛勞

第九節 亡血禁汗法

亡血不可發其表汗出卽寒慄而振

亡血家營虛也血與汗同源今發其汗益傷其血且傷其衛而寒慄此與太陽禁汗法同一理也

第十節 血寒成瘀

病人胸滿唇痿舌青口燥但欲漱水不欲嚥無寒熱脈微大來遲腹不滿其人言我滿爲有瘀血

血寒則血凝滯不行不行則積久而成瘀胸滿衛氣不宣停積胸中而血致瘀之原因也唇痿因血瘀則脾無營養而不能統血故痿也舌青舌乃心之苗心主血血瘀心氣變壞色現於苗也但欲漱

水不欲嚥血瘀液燥津無所出也非血熱之渴故不欲嚥也無寒熱血已瘀不能起變化作用與熱入血室之身涼同一理也脈微大來遲大爲氣盛遲爲血寒在藏而不在府也腹不滿其人言我滿血瘀於經絡經絡脹滿非脾胃之脹滿故腹不滿其人言我滿也此血瘀之見證也凡產後及胎死腹中經不調諸病多有此現象也

第十一節 血熱成瘀

病者如有熱狀煩滿口乾燥而渴其脈反無熱此爲陰伏是瘀血也當下之

血熱則血乾燥不行不行亦積久而成瘀也故病者如有熱狀煩滿君火盛也火盛則血熱血熱則口乾燥而渴其脈反無熱血已成瘀其熱自伏故曰此爲陰伏是瘀血也與上節皆當下之不過溫通寒通當稍增減耳

第二章 驚悸吐衄下血治法

第一節 驚治法

火邪者桂枝去芍藥加蜀漆牡蠣龍骨救逆湯主之

驚少陽膽病也故曰火邪亦引半表裏病例傷寒脈浮醫以火逼劫之亡陽必驚狂起臥不安者此湯主之一法同也

第二節 悸治法

心下悸者半夏麻黃丸主之

夫悸多端先師立此一法不贅言也飲水多必心下悸水在腎心下悸更有桂枝甘草湯真武湯小柴胡茯苓甘草小建中等湯皆治心下悸之方也

第二節 吐血治法

吐血不止者柏葉湯主之

吐血不止肝血不藏也此方注重止血不論寒熱皆可服之

第四節 下血遠血治法

下血先便後血此遠血也黃土湯主之

先便後血脾不統血之下血證也故以黃土湯鎮其中宮

第五節 下血近血治法

下血先血後便此近血也赤豆當歸散主之

先血後便肝不藏血之下血證也故以赤豆當歸安其血室又按上方近溫瀦此方近溝通也

第六節 吐衄血治法

心氣不足吐血衄血瀉心湯主之

心氣不足心之陰氣不足也不足則血妄行上逆而爲吐血衄血瀉其心陽而補其心陰則血自安

而不吐衄矣然又有陽虛吐血衄血非薑棗莫治不可不知又按瘀血證已見抵當諸方故此篇不錄也

此篇論及諸般雜症其文多屬零碎或疑其為後人所補然其言多切中肯綮如論及陽虛吐血衄血非薑棗莫治不可不知又按瘀血證已見抵當諸方故此篇不錄也

嘔吐噦下利病脈證篇第十七

嘔吐噦下利胃腸病也嘔吐噦其氣上逆下利其氣下趨也但四證中病因起於胃者多小腸次之大腸更次之也

第一章 嘔吐噦總論

第一節 血壅作嘔法

夫嘔家有癰膿不可治嘔膿盡自愈

此引厥陰營壅作嘔之法也夫嘔證雖有邪嘔水嘔飲嘔之別其原因則在厥陰之血壅肝氣不達鬱而作嘔爲多也

第二節 水積作嘔法

先嘔却渴者此爲欲解先渴却嘔者爲水停心下此屬飲家嘔家本渴今反不渴者心下有支飲故也此屬支飲

此引痰飲篇二節之支飲作嘔之法也按嘔而後渴胃陽外宣鬱氣已散故爲欲解也然渴而始嘔者及嘔而不渴者皆因飲水停積作嘔也

第三節 陽虛作吐法

問曰病人脈數爲熱當消穀引飲而反吐者何也師曰以發其汗令陽微膈氣虛脈乃數數爲客熱不能消穀胃中虛冷故也脈弦者虛也胃氣無餘朝食暮吐變爲胃反寒在於上醫反下之令脈反弦故名曰虛

此引太陽陽虛作吐之法也後加脈弦一段詳論誤下之由脈數反弦由熱變寒致成胃虛之胃反證者也餘見太陽篇

第四節 陰虛作吐法

寸口脈微而數微則無氣無氣則榮虛榮虛則血不足血不足則胸中冷跌陽脈浮而濇浮則爲虛濇則傷脾脾傷則不磨朝食暮吐暮食朝吐宿穀不化名曰胃反脈緊而濇其病難治

上節論數之陽虛此論濇之陰虛也上言胃陽之傷此言脾陰之損也是則陽虛陰虛皆能致吐者也與太陽虛寒實熱作吐同一意義

第五節 吐逆不可下法

病人欲吐者不可下之

吐爲胃脾之氣上逆降之則可導之亦宜下之則恐傷其中氣故曰不可下之

第六節 噦逆可下法

噦而腹滿視其前後知何部不利利之愈

此引厥陰胃實作噦之法也故可下之

第二章 嘔治法

第一節 衛氣嘔

嘔而胸滿者吳茱萸湯主之

胸滿衛氣不宣也衛寒氣塞於胸故嘔當溫之

第二節 水氣嘔

乾嘔吐涎沫頭痛者吳茱萸湯主之

吐涎沫水積於胃也水氣上逆故嘔亦當溫之

第三節 風氣嘔

嘔而腸鳴心下痞者半夏瀉心湯主之

腸鳴風氣內動也風氣內脹結痞心下故嘔當導下之

第四節 火氣嘔

乾嘔而利者黃芩加半夏生薑湯主之

嘔而下利相火下趨又上逆也故以黃芩瀉火夏薑降逆

第五節 溼氣嘔

諸嘔吐穀不得下者小半夏湯主之

諸嘔吐穀不得下脾溼內壅故用小半夏湯去溼降逆

第六節 燥氣嘔

嘔吐而病在膈上後思水者解急與之思水者猪苓散主之

嘔吐而病在膈上之上焦後傳於中焦陽明化燥口渴思飲水者急與水或猪苓散可也

第七節 寒氣嘔

嘔而脈弱小便復利身有微熱見厥者難治四逆湯主之

此引厥陰寒嘔之法也脈弱身微熱無陽也小便利見厥寒盛也故以四逆溫之

第八節 熱氣嘔

嘔而發熱者小柴胡湯主之

嘔而發熱火熱內鬱少陽之嘔也故用小柴胡

第三章 吐治法

第一節 胃虛作吐

胃反嘔吐者大半夏湯主之

胃反嘔吐胃虛作吐也以葶養液以夏降逆若再進則用理中矣

第二節 胃實作吐

食已即吐者大黃甘草湯主之

食已即吐胃陽實上逆也故以甘緩中以黃瀉火

第三節 利下焦水止吐法

胃反吐而渴欲飲水者茯苓澤瀉湯主之

吐本中焦胃病也吐後渴欲飲水者可利其下焦之水而胃氣降吐即止也

第四節 發上焦汗止吐法

吐後渴欲得水而貪飲者文蛤湯主之兼主微風脈緊頭痛

吐後貪飲與文蛤湯發其汗上焦之陽由表而宣亦能止胃反也兼可治風寒頭痛之病也

第五節 溫中焦寒止吐法

乾嘔吐逆吐涎沫半夏乾薑散主之

中焦有寒故吐涎沫而嘔乾薑驅寒半夏降逆

第四章 噦治法

第一節 輕噦治法

病人胸中似喘不喘似嘔不嘔似噦不噦徹心中憤憤無奈者生薑半夏湯主之

此治胃逆將嘔未嘔最輕之法也故但用薑夏降逆驅寒即可止嘔

第二節 不輕不重嘔治法

乾嘔嘔若手足厥者橘皮湯主之

嘔嘔而厥病已進也故用橘皮力勝薑夏多多矣

第三節 重嘔治法

嘔逆者橘皮竹茹湯主之

前法厥而未逆故橘皮四兩嘔即可止此法嘔而已逆非二斤之橘皮不能止其嘔也

第五章 六經五藏下利總論

第一節 下利總綱

夫六府氣絕於外者手足寒上氣腳縮五藏氣絕於內者利不禁下甚者手足不仁

先師以藏府之氣絕爲下利之綱領正合論中六氣五行皆有利之文也六府爲陽氣絕於外病在外脫故上氣腳縮也五藏爲陰氣絕於內病在內脫故利不禁下甚也藏府雖有外脫內脫之象而皆以脾陽爲重故手足寒手足不仁尤爲最要也

第二節 厥陰化熱法

下利脈沉弦者下重脈大者爲未止脈微弱數者爲欲自止雖發熱不死

此引厥陰肝木作利法也按脈微弱而數發熱陰從陽化故欲自止雖發熱不死

第二節 陽明化熱法

下利手足厥冷無脈者灸之不溫若脈不還反微喘者死少陰負跌陽者爲順也

此引厥陰君火作利之法也本文以君火爲主此節以陽明爲主故彼重少陰之負此重跌陽之勝也亦陽明化熱利止之法也

第四節 太陰化熱法

下利有微熱而渴脈弱者今自愈

此引厥陰燥金作利化燥之法也按脾胃同屬土故可以借用太陰之溼從燥化者也

第五節 太陽化熱法

下利脈數有微熱汗出今自愈設脈緊爲未解

此引厥陰寒水作利之法也汗出脈數由寒而化熱也故自愈設復緊寒仍未去故爲未解也

第六節 少陰化熱法

下利脈數而渴者今自愈設不差必圜膿血以有熱故也

此引厥陰心火作利法也

第七節 少陽化熱法

下利脈反弦發熱身汗愈

脈反弦發熱身汗少陽化熱也下利見熱故愈

第八節 肺利

下利氣者當利其小便

下利氣者因氣陷而利也似失氣而反利似利而又爲失氣利其小便則肺氣歸清道其利自止也

第九節 肝利

下利寸脈反浮數尺中自濡者必圜膿血

此引厥陰風木作利之法也解見原文

第十節 脾利

下利清穀不可攻其表汗出必脹滿

此引厥陰溼土作利之法也解見原文

第十一節 腎利

下利脈沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

此引厥陰腎水作利法也解見原文

第十二節 心利

下利後脈絕手足厥冷晬時脈還手足溫者生脈不還者死

此引厥陰脾土作利之法也按此節手足溫者生脾主四肢在厥陰爲脾陽回也脈不還者死心主脈在本節爲心陽已絕故爲心利也

第六章 下利治法

第一節 太陽作利治法

下利後腹脹滿身體疼痛者先溫其裏乃攻其表溫裏宜四逆湯攻表宜桂枝湯

此引厥陰溼土作利治法也厥陰以清穀立論則爲溼土本節以身疼痛立論故爲太陽也

第二節 少陰作利治法

下利三部脈皆平按之心下堅者急下之宜大承氣湯

三部脈平他經無病也按之心下堅手少陰心火結於心下作利也故宜大承攻之

第三節 厥陰作利治法

下利脈遲而滑者實也利未欲止急下之宜大承氣湯

脈遲而滑肝藏有實熱也肝熱下趨故利未欲止去其實宜大承主之

第四節 太陰作利治法

下利脈反滑者當有所去下乃愈宜大承氣湯

下利脈反滑利爲土寒今反滑化熱也以脾家實腐穢當去故也亦宜大承氣湯

第五節 少陽作利治法

下利已差至其年月日時復發者以病不盡故也當下之宜大承氣湯

利已差至其年月日時復發少陽半表裏之證如往來寒熱之義同故以大承下其不盡之伏邪也

第六節 陽明作利治法

下利譫語者有燥屎也小承氣湯主之

此引厥陰燥金作利法也解見原文

第七節 厥陰寒利治法

下利便膿血者桃花湯主之

此引少陰便膿血之法也按便膿血雖爲水火錯雜之證而肝主血血下陷也故可借用於厥陰之

寒利治法卽少陰篇陰闔亦有便膿血但云可刺未用桃花而已

第八節 厥陰熱利治法

熱利下重者白頭翁湯主之

此引厥陰風木作利法也此熱利故與白頭翁湯

第九節 少陰熱利治法

下利後更煩按之心下濡者爲虛煩也梔子豉湯主之

此引厥陰君火作利梔子豉湯以治少陰熱利也解見原文

第十節 少陰寒利治法

下利清穀裏寒外熱汗出而厥通脈四逆湯主之

此引厥陰寒水作利法借用少陰水藏寒利之治法也且太陽少陰有密切關係

第十一節 太陰熱利治法

下利肺痛紫葳湯主之

下利肺痛肺有熱而作痛也故以紫葳湯清之

第十二節 太陰寒利治法

氣利柯黎勒散主之

氣利手太陰肺氣下泄肺有寒也故與溫瀼之品

按此下利一類大半引諸厥陰因下利一門厥陰已詳論之若再續贅其文難作故先師引厥陰之文以補之立法而已間有一二雖與厥陰原義不無稍異實可借用者也

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

其意之深也... 蔡元詩話

瘡癰腸癰浸淫病脈證篇第十八

瘡癰軀壳之外證也腸癰藏府之外證也浸淫皮膚之外證也三證俱屬外科皮膚肌肉之血潰病也

第一章 瘡癰論

第一節 癰之脈證

諸浮數脈應當發熱而反洒淅惡寒若有痛處當發其癰師曰諸癰腫欲知有膿無膿以手掩腫上熱者爲有膿不熱者爲無膿

按外瘍本因營衛有熱而發也卽陰證因寒所作初起無熱然日久化膿亦必發熱而後已故曰諸浮數脈爲營衛之熱象已彰應當外現發熱之證而反洒淅惡寒身有痛處者此爲瘡癰初起之脈證也然證雖屬外科其治法與傷寒無大異可以發散之劑若熱甚必肉腐而成膿欲知膿之已成未成辨腫上之熱不熱卽知熱者必腐化而作膿不熱者爲未腐不能作膿也然待至膿熟則腫上又反爲不熱而軟若熱而硬者雖有膿而未成熟也

第二章 腸癰病

第一節 腸癰虛證治法

腸癰之爲病其身甲錯腹皮急按之濡如腫狀腹無積聚身無熱脈數此爲腸內有癰膿薏苡附子敗醬散主之

腸癰發生於腸間其氣血下注於腸則皮膚無所營養故皮枯其身如甲錯腸癰內脹故腹皮急如腫狀非積聚故按之濡非軀壳病故外無寒熱熱在裏故脈數因腫而不痛不熱爲虛故以薏苡附子敗醬治之

第一節 腸癰實證治法

腸癰者少腹腫痞按之卽痛如淋小便自調時發熱自汗出復惡寒其脈遲緊者膿未成可下之當有血脈洪數者膿已成不可下也大黃牡丹湯主之

少腹腫痞按之痛如淋小便自調乃腸癰非膀胱之淋證也時時發熱自汗出復惡寒營衛已化熱而將作膿也但其脈遲或緊皆屬寒象膿未成熟可下其熱由大便而出免致作膿若脈洪數者爲氣血實膿已成熟不可下也宜大黃牡丹湯以消導之

第三章 金瘡病

第一節 金瘡脈證

問曰寸口脈浮微而濇法當亡血若汗出設不汗出者云何曰若身有瘡刀斧所傷亡血故也脈微而濇本爲亡血脫汗之現象兩證俱無者必因金瘡出血過多也

第二節 金瘡證治

病金瘡王不留行散主之

此方治金瘡變成癰腫化膿之證也

第二節 陽瘡癰治方

排膿散

此治陽證瘡癰之方也

第四節 陰瘡癰治方

排膿湯

此治陰證瘡癰之方也

第四章 浸淫病

第一節 浸淫瘡總論

浸淫瘡從口起流向四肢者可治從四肢流來入口者不可治

此引藏府經絡先後病之法由外傳內為死由內傳外為生也

第二節 浸淫瘡治法

浸淫瘡黃連粉主之

此治浸淫以寒制熱也

第一節

此節論及...

...

...

...

...

...

...

...

...

...

...

...

跌蹶手指臂腫轉筋狐疝虬蟲病脈證篇第十九

跌蹶足病手指臂腫手病轉筋狐疝虬蟲是皆肝氣所發不作膿血之外科證屬於經絡筋骨之氣結病也

第一章 跌蹶手指臂腫轉筋狐疝虬蟲病治法

第一節 跌蹶

師曰病跌蹶其人但能前不能卻刺臑入二寸此太陽經傷也

人若失脚踏蹶往往傷經但能前走而不能卻退者太陽經傷也當刺臑上之承筋承山穴

第二節 手指臂腫

病人常以手指臂腫動此人身體潤燥者藜蘆甘草湯主之

手指臂腫動風痰入經絡故身體潤燥以藜蘆甘草治其痰也

第三節 轉筋

轉筋之爲病其人臂脚直脈上下行微弦轉筋入腹者鷄屎白散主之

轉筋肝病也筋轉急痛肝氣有餘以鷄屎白之金氣制木其血自平

第四節 狐疝

陰狐疝氣者偏有大小時上下蜘蛛散主之

陰狐疝氣亦肝氣下陷之證也經曰肝病囊縮舌卷狐疝亦是肝寒氣急之病也

第五節 虻蟲病總論

問曰病腹痛有蟲其脈何以別之師曰腹中痛其脈當沉若弦反洪大故有虻蟲

虻蟲亦肝氣之所化生者也故見肝脈弦而洪大爲肝氣太發生也

第六節 虻蟲甘緩治法

虻蟲之爲病令人吐涎心痛發作有時毒藥不止者甘草粉蜜湯主之

虻蟲吐涎心痛發作有時毒藥不止者肝氣太過而發生以甘緩之以粉殺蟲也

第七節 虻蟲酸收治法

虻厥者其人當吐虻今病者靜而復時煩此爲藏寒虻上入膈故煩須臾復止得食而嘔又煩者虻聞食臭出其人當自吐虻虻厥者烏梅丸主之

此引厥陰之文以論肝氣太過而化生之法也前方以甘緩之此方以酸收之上方治標此方治本也

而結腹大而不脹流乳陰門開張流液胎常動行則氣急此爲七八九十月之徵象也在此時期或不見諸徵象及發生他病者皆當急治之

第二章 血病

第一節 心血瘀

婦人宿有癥病經斷未及三月而得漏下不止胎動在臍上者此爲癥痼害妊娠六月動者前三月經水利時胎也下血者後斷三月衄也所以血不止者其癥不去故也當下其癥桂枝茯苓丸主之

婦人宿有癥病癥病心血結成之瘀也雖受孕經斷往往未及三月而得漏下不止之證以致胎動然胎動在臍上心部也此爲癥痼所害非他因也故妊娠至六月仍再動者前三月經水利時已經受有胎也今復下血不止者因胎後經水斷已三月所宿胞宮之瘀血被癥所害而時下也故所以下血不止雖經三月其胎仍動確是胎也今欲止其胎漏非先去癥不可用桂枝茯苓有桂苓以養心牡丹桃仁以攻血其癥自散其血自止其胎自安也雖丹桃傷胎有癥則可用而反安胎也

第二節 腎血寒

婦人懷妊六七月脈弦發熱其胎愈脹腹痛惡寒少腹如扇所以然者子藏開故也當以附子湯溫其藏子宮屬腎腎寒則血凝滯而不利不利則作痛痛則脈弦發熱其胎愈脹脹則子宮口開少腹惡寒如風扇少腹狀當以附子湯溫水藏則子宮自煖也

第三節 肝血虛

師曰婦人有漏下者有半產後因續下血都不絕者有妊娠下血者假令妊娠腹中痛爲胞阻膠艾湯主之

漏下半產後下血淋漓不止或妊娠下血等證皆肝不藏血之故也肝血虛則胞無血養而胞爲血病所阻礙而當速補其血以養胎爲要也

第四節 脾血熱

婦人懷孕腹中疝痛當歸芍藥散主之

疝同疝音絞腹中急痛也腹中急痛肝氣侵脾脾血有熱故重芍以入太陰且平其肝氣以上四藏惟肺無血病以肺以氣爲主故也

第二章 氣病

第一節 胃氣寒

妊娠嘔吐不止乾薑人蔘半夏丸主之

嘔吐胃氣有寒上逆也

第二節 腎氣藏

妊娠小便難飲食如故當歸貝母苦棗丸主之

小便難飲食如故是腎氣閉塞不通非胃熱也故以苦寒之品通之

第二節 肺氣閉

妊娠有水氣身重小便不利洒淅惡寒起卽頭眩葵子茯苓散主之

肺氣不行則水道不通以致皮毛洒淅惡寒水氣上逆而頭眩也利其水則氣下達而諸證悉愈也

第四節 肝氣熱

婦人妊娠宜常服當歸散主之

妊娠時候血不下行而注於子宮以養胎故肝氣無排泄之所常服之藥總以補血清熱爲宜

第五節 脾氣虛

妊娠養胎白朮散主之

妊娠以肝脾二經爲最故常服藥非滋肝卽溫脾也二方可選服之

第六節 心氣實

婦人傷胎懷身腹滿不得小便從腰以下重如有水狀懷身七月太陰當養不養此心氣實當刺寫勞宮及關元小便微利則愈

婦人傷胎腹滿不得小便脾腎生病也氣脹於中水積於內故腰以下重如水狀也然此病之因緣懷身七月太陰脾氣應養胎而不養胎故發生是證也所以然者此心氣實當刺瀉心主之勞宮下

焦之關元則心腎自交而中滿自除矣

婦人產後病脈證篇第二十一

上篇妊娠以五藏之氣血爲主因此篇產後以六府之六經三焦爲主因也一則病屬外邪一則病屬正氣故分篇而論之是篇與傷寒同一意義也

第一章 總綱

第一節 產後六經病總論

問曰新產婦人有三病一者病瘵二者病鬱冒三者大便難何謂也師曰新產血虛多汗出喜中風故令病瘵亡血復汗寒多故令鬱冒亡津液胃燥故大便難

先師以表病裏病半表裏病爲產後病之主因以其新產血虛血虛卽營虛營虛卽陰弱陰弱者汗自出汗自出故容易中風血虛中風故令病瘵也亡血裏陰虛也復汗表陰虛也表裏俱虛而傷寒則半表裏受病故令鬱冒亡血卽亡津液亡津液則胃燥胃燥則大便難便難爲陽明病證也

第二章 產後六經病治法

第一節 少陽病

產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅

嘔不能食小柴胡湯主之病解能食七八日更發熱者此爲胃實宜大承氣湯主之

汗出太陽病也鬱冒嘔不能食少陽病也大便堅陽明病也有此三陽合病當治其樞而轉出其邪則表裏自達也然其病因厥陰之血虛下厥不與少陽和借少陽屬孤陽矣欲治其病仍當調其陰陽可也小柴胡引陽入陰引陰出陽之聖品也若病解能食胃陽太强七八日更發熱者邪已化燥此爲胃實又當大承攻之也

第二節 太陰病

產後腹中疝痛當歸生薑羊肉湯主之併治腹中寒疝虛勞不足

產後腹中疝痛中寒血虛也疝痛痛如絞也當歸生薑羊肉湯溫中補血之良劑也

第三節 少陰病

產後腹痛煩滿不得臥枳實芍藥散主之

煩滿不得臥少陰君火內炎也腹痛血虛也瀉火卽以救陰

第四節 厥陰病

師曰產婦腹痛法當以枳實芍藥散假令不愈者此爲腹中有瘀血着臍下宜下瘀血湯主之亦主經水不利

產後腹痛爲新產應有病象法當以枳行氣以芍養血然而不愈者肝血下流於子宮結爲瘀血當

以下瘀血湯主之

第五節 陽明病

產後七八日無太陽證少腹堅痛此惡露不盡不大便煩躁發熱切脈微實更倍發熱日晡時煩躁者不食食則譫語至夜即愈宜大承氣湯主之熱在裏結在膀胱也

七八日又值太陽陽明主氣之期無太陽證表已罷也少腹堅痛此惡露不盡也不大便煩躁發熱脈實日晡時煩躁不食譫語皆陽明之燥熱內熾也當以大承攻之故曰熱在陽明之裏血結在太陽之膀胱也

第六節 太陽病

產後風續數十日不解頭微疼惡寒時有熱心下悶乾嘔汗出雖久陽旦證續在者可與陽旦湯
產後中風數十日不解仍有頭微疼惡寒有熱心下悶乾嘔汗出雖久陽旦證續在者可與陽旦湯散其太陽之標邪也

第三章 三焦病

第一節 上焦病

產後中風發熱面正赤喘而頭痛竹葉湯主之

產後中風發熱面正赤喘而頭痛上焦之衛熱上冲也故以竹葉湯瀉其上焦之衛熱

第二節 中焦病

婦人乳中虛煩亂嘔逆安中益氣竹皮大丸主之

乳子時中氣虛而煩亂嘔逆者宜安其中益其氣與竹皮大丸主之可也

第二節 下焦病

產後下利虛極白頭翁加甘草阿膠湯主之

產後陰血已虛而加下利下焦之陰虛極也白頭翁加甘草阿膠平肝救陰陰足血自旺利自止也

[Faint bleed-through text from the reverse side of the page, including characters like '中焦病', '下焦病', and '白頭翁']

婦人雜病脈證篇第二十二

此篇所論雜病分爲五章卽肝肺心脾腎五藏之病是也但此病發生於女子男子無此病也

第一章 肝藏病

第一節 少陽邪入血室

婦人中風七八日續來寒熱發作有時經水適斷者此爲熱入血室其血必結故使如瘧狀發作有時小柴胡湯主之

第二節 陽明邪入血室

婦人傷寒發熱經水適來晝日明了暮則譫語如見鬼狀者此爲熱入血室治之無犯胃氣及上下二焦必自愈

第三節 太陽邪入血室

婦人中風發熱惡寒經水適來得之七八日熱除脈遲身涼和胸脇滿如結胸狀譫語者此爲熱入血室也當刺期門隨其實而取之

第四節 燥邪入血室

陽明病下血譫語者此爲熱入血室但頭汗出當刺期門隨其實而瀉之澱然汗出者愈

以上四節前三節為前陰經水之病後一節為後陰下血亦有熱入血室之病也四節通是熱入血室解見傷寒原文

第二章 肺藏病

第一節 肺氣實

婦人咽中如有炙燔半夏厚朴湯主之

咽中如有炙燔肺氣實也用半夏厚朴以利其氣

第二節 肺液虛

婦人藏躁悲傷欲哭象如神靈所作數欠伸甘麥大棗湯主之

肺系急則欲哭今藏躁液不足故欲哭而欠伸也用甘麥大棗以潤之

第三節 肺積水積火

婦人吐涎沫醫反下之心下即痞當先治其吐涎沫小青龍湯主之涎沫止乃治痞瀉心湯主之

水積成涎沫火積成痞滿皆肺氣不降之病也故水積在肺治以小青龍反下之火積在心下治以瀉心也

瀉心也

第三章 心藏病

第一節 血病經帶總論

婦人之病因虛積冷結氣爲諸經水斷絕至有歷年血寒積結胞門寒傷經絡凝堅在上嘔吐涎唾久成肺癰形體損冷在中盤結繞臍寒疝或兩脇疼痛與藏相連或結熱中痛在關元脈數無瘡肌若魚鱗時着男子非止女身在下寒多經候不勻令陰掣痛少腹惡寒或引腰脊下根氣衝急痛膝脛疼煩奄然眩冒狀如厥巔或有憂慘悲傷多嗔此皆帶下非有鬼神久則羸瘦脈虛多寒三十六病千變萬端審脈陰陽虛實緊弦行其鍼藥治危得安其雖同病脈各異源子當便記勿謂不然

此章所論皆是血病血屬心爲心藏所主經曰二陽之病發心脾有不得隱曲女子不月夫二陽者陽明也陽明屬胃三焦之源發生於胃故經則曰發心脾及不得隱曲女子不月按心屬上焦脾屬中焦不得隱曲女子不月則屬下焦也簡言之卽胃經發生之三焦經帶病也先師遵經旨而作論故亦曰在上在中在下也亦卽心脾腎三經也夫心主血諸血病皆屬乎心又爲一身主宰五藏之君故經期之通閉在心血之強弱也脾主中洲統攝陰陽權司升降有帶脈爲之使故帶下之愈劇在脾土之固與不固也腎主閉藏肝主疎泄均在下焦疎泄則經帶淋漓閉藏則天癸不至故經帶之通閉在肝腎之疎藏也按婦人之經帶病其原有三也(一)因虛因虛者因經期生產脫血之後其體虛弱也(二)積冷積冷者袒胸乳子早起烹飪冷水澣衣強食冷飯菜生果生番薯生蘿蔔等是也(三)結氣結氣者夫妻反目舅姑婆媳勃谿妯娌不睦等是也婦人有此三因經帶之病作矣故曰爲諸經水斷絕然此病非一時之急病爲歷年遞增日久月深血寒積胞門寒傷經絡而經絡

之血凝堅病發於上焦證現於肺胃故嘔吐涎唾肺癰肌瘦也病發於中焦證現於臍脇故盤結繞臍寒疝脾受寒冷而成帶下諸疾也或竟由脇痛而內連肝藏或中焦熱結熱氣下流關元至胞宮成乾血故脈數而無瘡肌膚若魚鱗且能傳染於男子病發於下焦證現於陰器少腹腰脊氣街膝脛腦髓等處故經候不勻令陰掣痛少腹惡寒引腰脊下根氣街而作氣衝急痛膝脛疼煩上根腦府而作眩冒巔厥諸病也往往發生愁憂淒慘悲哀嗔怒之舉動亦皆因經帶之由來不可迷信於鬼神當以藥劑以治之否則久必羸瘦成癆現脈虛多寒之證也婦人雖有三十六病千變萬端諸證總當審脈之陰陽虛實緊弦證之寒熱虛實行其針藥之溫涼攻補而已也

第一節 血瘀之經帶

問曰婦人年五十血病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之
婦人年五十天癸當絕而反經血下利數十日不止者非崩漏而何且發生暮即發熱少腹裏急腹滿手掌煩熱唇口乾燥之瘀血內結之帶下病也此瘀血帶下之病又因曾經半產瘀血蓄積少腹不去日久變化而來也亦即上文之寒凝在下故也以溫經湯主之溫則經通經通則瘀去即非因半產而每月經期不調者亦是證也

第二節 血實之經帶

帶下經水不利少腹滿痛經一月再見者土瓜根散主之

經帶之病非盡虛寒實熱亦能致經帶之病無論經水不通或一月再現皆有因血實熱之病宜以土瓜清血熱而攻其實可也

第四節 血虛之經帶

寸口脈弦而大弦則爲減大則爲乳減則爲寒乳則爲虛寒虛相搏此名曰革婦人則半產漏下旋覆花湯主之

此引虛癆血虛之文也血虛而用此湯是治其肝血下漏之標是下血時之頭服藥先順下而導之後以補血之藥填之若遽補其血恐成瘀血也且其藥甚輕也

第五節 血寒之經帶

婦人陷經漏下黑不解膠薑湯主之

經而曰陷崩之類也黑色寒凝血結也用膠薑補血散寒

第六節 血挾水之經帶

婦人少腹滿如敦狀小便微難而不渴生後者此爲水與血俱結在血室也大黃甘遂湯主之

少腹滿如敦狀敦有虞氏之器如今之香爐狀小便微難而不渴乃肝熱之小便不利爲水血之沍凝於血室也大黃攻血甘遂攻水也

第七節 血閉之經帶

婦人經水不利下抵當湯主之

經水不利下血道盡閉經絡不通故以抵當大破其血

第八節 血乾之經帶

婦人經水閉不利藏堅癖不止中有乾血下白物礬石丸主之

經水閉不利日久結成血塊堅韌成癖時下白物乾血腐化而成之物也礬石先治其白物後以抵當治其紅物可也

第四章 脾藏病

第一節 血實腹痛

婦人六十二種風腹中血氣刺痛紅藍花酒主之

腹痛本是脾病肝風下乘侵脾當以紅藍花破其血以息其風其痛自除

第二節 血虛腹痛

婦人腹中諸疾痛當歸芍藥散主之

上節治血實之風痛此節治血虛之寒痛也

第二節 氣虛腹痛

婦人腹中痛小建中湯主之

上二節皆言血之虛實痛然中氣虛亦有腹痛者當以小建中湯假使氣實而痛者又非用樸黃不可也

第五章 腎藏病

第一節 陰閉

問曰婦人病飲食如故煩熱不得臥而反倚息者何也師曰此名轉胞不得溺也以胞系了戾故致此病但當利小便則愈腎氣丸主之

飲食如故病不在胃煩熱不得臥倚息不得小便腎氣內閉上逆衝心肺也此爲胞系了戾利小便其氣下泄而即愈也了戾乃胞系扭轉也凡物二股或一股結糾紛縛不得直伸曰了戾

第二節 陰寒

婦人陰寒溫陰中坐藥蛇床子散主之

陰寒腎氣寒也可用蛇床子散以溫之

第二節 陰熱

少陰脈滑而數者陰中即生瘡陰中蝕瘡爛者狼牙湯洗之

陰中有熱則尺脈必滑數而陰戶生瘡且潰爛狼牙去毒除熱陰熱瘡之良劑

第四節 陰吹

胃氣下泄陰吹而正暄此穀氣之實也以膏髮煎主之

首節言陰閉水不通末節言陰吹氣下泄胃中穀氣下流於子宮故陰戶發聲而暄也一則言水道一則言精道也

按先師傷寒雜病二論皆由頭項皮膚論起至陰中骨髓而止傷寒起於太陽之桂枝終於陰陽易之燒裊散雜病起於太陽括樓桂枝之瘕病終於婦人之陰吹膏髮煎也其中五藏六府衛營氣血表裏內外寒熱虛實溫涼攻補等無法不備讀者細心研究治萬病之道在是篇矣由是觀之稱爲聖書誰曰不宜

包氏醫宗第二集目錄

▲內科學瘍科婦人科學附

卷之一

雜病論章節

一冊

卷之二

雜病方法 附歌括

一冊

卷之三

雜病表 附表式

一冊

卷之四

雜病論講義

二冊

卷之五

雜病方講義

一冊

(第二集售銀伍圓)

版權所有不准翻印

中華民國十九年一月出版

包氏醫宗第二集第四卷

雜病論講義二冊

著作者 閩杭包識生

出版者 包氏醫宗出版部

總發行 包氏醫宗出版部

上海北泥城橋新開路
口鴻祥里二一四五號

代售處 各大書局

包氏醫宗第一集目錄

▲內科傳染病學

卷之一

傷寒論章節

一册

卷之二

傷寒方法 附歌括

一册

卷之三

傷寒表 附表式

一册

卷之四

傷寒論講義

二册

卷之五

傷寒方講義

一册

(第一集售銀陸圓)

包氏醫宗第三集

診斷學

四册

印刷中

包氏醫宗第四集

解剖學 附圖

二册

編輯中

包氏醫宗第五集

生理學

二册

編輯中

包氏醫宗第六集

病理學

二册

編輯中

包氏醫宗第七集

治療學

一册

編輯中

包氏醫宗第八集

藥物學

二册

編輯中

▲函索樣本附郵票二十分